
Бош прокуратура фуқароларимиздан бугундан (6 апрелдан) бошлаб ўзларининг кундаликларини юритишларини сўради.

Ўзбекистон Республикаси Бош прокуратураси жорий йилнинг 4 апрелида коронавирус кенг тарқалишининг олдини олиш, тегишли хизматларга мазкур касалликка чалинган bemorlar билан aloқada бўлган шахсларни тезкор равища аниқлаш ва уларнинг бошқа фуқаролар билан мулоқотини чеклаш бўйича кўмаклашиш чораларини белгилади.

Бу хақда бош прокуратуранинг мурожаатида [маълум қилинган](#).

Бош прокуратурада **коронавирус инфекциясига чалинган bemorlar билан мулоқотда бўлган шахслар доирасини аниқлаш бўйича идоралараро Штаб, худудларда эса, идоралараро ишчи гуруҳлар тузилди.**

Мазкур гуруҳлар коронавирус инфекциясига чалинган bemorlar билан тегишли суриштирув ишларини ўтказади, уларнинг **эпидемиологик маршрути, ким билан қачон, қаерда мулоқотга киришганини** аниқлайди.

"Фурсатдан фойдаланиб, **Бош прокуратура фуқароларимиздан бугундан бошлаб ўзларининг кундаликларини юритишларини сўрайди.**

Ҳар бир фуқаро қачон, ким билан, қаерда ва қай тарзда мулоқот қилганини ёзиб бориши мақсаддага мувофиқдир. Бу маълумотлар аввало, касаликкнинг олдини олиш, унинг тарқалишига чек қўйиш, пировардида минглаб одамларнинг ҳаётини сақлаб қолишига хизмат қиласди", дейилади Бош прокуратура хабарида.

Мисол сифатида, аксарият давлатлар тажрибаси инфекциянинг ilk зарбаларини қабул қилиб олаётган тиббий хизматнинг унга чалинганлар билан мулоқотда бўлганларни аниқлаш ҳамда тегишли тартибда карантинга жойлаштиришда қийинчиликларга дуч келаётгани, даволашга сарфланадиган вақт ва имконият йўқотилаётгани кўрсатилган.

"Ҳар бир фуқаро берилган тавсия ва кўрсатмаларга амал қиласа, аввало, ўзининг, оиласининг, яқинларининг ва бошқа инсонларнинг ҳаётига хавф туғдириши, ҳатто умрига зомин бўлиши мумкинлигини унутмаслиги зарур".

Шунингдек, коронавирус инфекциясига чалинган bemorlar билан мулоқотда бўлган шахслар доирасини аниқлаш бўйича Бош прокуратурадаги Штаб, худудлардаги ишчи гуруҳлар инфекциянинг сабаб ва шарт-шароитларини бартараф этиш, унинг мудҳиш оқибатларининг олдини олиш борасида **барчани ҳамкорлик ва ҳамжиҳатликка чақирди.**

2020-04-06 17:31:33